

# Bibel fa Kjinja brinj't junt



## Een Maun von Gott jeschekjt



Jeschräwen von: Edward Hughes  
Jemolt von: Byron Unger; Lazarus

Äwasat von: Ed Zacharias  
Toom Pauss jestalt von: E. Frischbutter; Sarah S.

De 37. Jeschicht von 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German

Een Dach brend een oola Priesta,  
Zacharias, en Gott sien Tempel daut  
Weiruak. Buten bäden de Menschen.  
Met eenmol flautad Zacharias.



Een Enjel stunt doa ver am, un säd, "Fercht die  
nich! Gott haft mie jeschekjt. Diene Fru woat  
een Junkje haben. Nan  
am Johanes.



Hee woat von kjlien opp met däm Heiljen Jeist jefelt sennen. Hee woat väle halpen sikj no Gott kjieren."



3

"Zacharias, saj mol waut." De Menschen buten vestunden daut nich.



4

See wisten nich daut de Enjel Gabriel to Zacharias jesajcht haud, daut hee wudd nich räden kjennen, bat daut Junkje kjlien wia, wiels hee haud daut nich jejeleefft. Hee docht siene Fru wia too oolt toom een Bäbe haben.



5

Tus schreef Zacharias dol waut de Enjel jesajcht haud. Siene Fru Elisabet wundad sikj. See hauden emma fa een Bäbe jebät. Wudd daut nu woaren?



6

Boolt wist Elisabet daut see wudden een Bäbe haben. See dankt Gott. Een Dach kjeem Elisabet äare Nicht, Maria, ar besieekjen. Maria sull uk een Bäbe haben.



7

Aus Maria aankjeem, feeld Elisabet daut äa Bäbe sikj ried. De Heilja Jeist kjeem no Elisabet. See wist daut Maria äa Bäbe wudd de Har Jesus Christus sennen. De twee Frues dankten Gott toop.



8

Soo aus Gott vesproaken haud, soo kjrieech Elisabet een Junkje. "Nan am Zacharias, soo aus sien Pape," säden de andre Priesta. Zacharias behilt waut Gott haben wull. "Nä, daut Junkje heet Johannes." Aus Zacharias dee Wieed hanschreef, kunn hee wada räden. Dan dankt hee Gott.



9

Aus Johannes oppwoss wia hee soo aus Elija, Gott sien groota Profeet. Johannes säd de Lied daut de Messias komen wudd un an säajnen. De Leidasch von de Juden wia daut jääjenaun daut Johannes säd, "Kjieet om! Doot nich Sind." See wullen nich von ääre Sind hieren.



10

Audre nanden Johannes, een Deepa, wiels hee deept de Menschen toom wiesen daut an ääre Sind leet wia. Een Dach kjeem Jesus no Johannes toom jedept waaren. "Du sust mie deepen," säd Johannes. Oba Jesus säd, "Doo daut mau." Un Johannes deept Jesus.



11

Aus Jesus jedept wia sach Johannes dän Heiljen Jeist, soo aus en eene Duw, opp Jesus komen. Dit wia Gott sien Tieekjen. Johannes wist daut Jesus Gott sien Sän wia. Johannes säd Jesus wia Gott sien Laum, daut de Sind von de Welt wajchnemt.



12

Johannes help väle Menschen no Gott komen. Oba Herodes, de beesa Gowernia, stopt Johannes en. "Daut es Sind daut du dien Brooda siene Fru, Herodias, fa die jenomen hast," säd Johannes.



13

Herodes wist dautwia soo. Hee wist Johannes wia Gott sien Deena, een jerajchta un heilja Maun. Oba hee wull de Sind nich oppjäwen. Un Johannes hieed nich opp jääjen Sind to räden, wan daut uk meend daut hee enjestopt wort.




14

Herodes haud vël Jast to sien Jeburtsdach. Herodias äare Dochta daunst fa am. Herodes jleicht daut sea. "Du kaust irjentwaut haben waut du west," vespruak hee, "bat de Halft von mien Kjennich-rikj."



15

De Dochta wundad, "No waut saul ekj froagen?" Äare Mutta Herodias haust Johanes, un säd no waut see froagen sull. Daut wia sea groff.



16

"Jeff mie däm Deepa Johanes sien Kopp opp eene Schiew," säd de Mejal to Herodes. Nu wia am daut schod waut hee vesproaken haud, oba hee wia too stolt daut trigj to nämen. Hee säd, "Schniet Johanes sien Kopp auf un brinjt daut häa." Siene Soldoten deeden daut.



17

Johanes siene Frind wieren truarich aus see sien Kjarpa begrowden. Johanes wia soo brow un tru jewast. Johanes siene Oabeit fa Gott wia nu foadich. Veleicht wisten see daut Jesus an treesten wudd.



18

Een Maun von Gott jeschekjt

Eene Jeschicht von en daut Wuat Gottes,  
de Bibel

finjt eena en

Markus 6, Lukas 1, 3

"Wan dien Wuat openboat woat,  
jeft daut Licht." Psalm 119:130

**Gott weet** daut wie schljachtet jedonen haben, waut hee Sind nant. De Strof fa Sind es de Doot.

**Gott es ons soo goot** daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jefoaren! Nu kaun Gott ons onse Sind vejäwen.

**Wan du von diene Sinden west wajchdreien**, dan saj dit to Gott: Leewa Gott, ekj jleew Jesus es fa mie jestorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen.  
Johanes 3:16

**Lass de Bibel un räd jieda Dach met Gott!**